



Fabrica
de cultura



Dorsièr de premsa

Los que fan l'actualitat en occitan al sègle XXI

Lo CIRDÒC vos invita a un debat a l'entorn del ròtle actual dels mèdias occitans, seguit d'un aperitiu musical per festejar los 5 ans del Jornalet (jornal occitan en linha) en companha del grop Ballaveu.



Dins un pensament de pluralitat de las expressions, factor essencial de la democracia e de la libertat d'expression, es necessari pel public d'aver un panèl important de mèdias al prèp dels quals se rensenhar. Los mèdias occitans participan a aquel pluralisme. En efiech, son de vectors d'informacion, d'aprendissatge mas tanben de transmission de la lenga.

Afin d'analisar en prigondor lo ròtle dels mèdias occitans dins la premsa d'uèi e d'abordar lors problematicas e lors atots, lo CIRDÒC a convidat un ensems d'actors de l'informacion e dels mèdias occitans per un rescontre public, lo 16 de junh venent, a 18h30.

Ferriol Macip (Lo Jornalet), Fanny Lartigot (La Setmana), Marius Blénet (Ràdio Lengua d'Òc Montpelhièr) e Guillaume Gratiolet (jornalista ràdio) escambiaràn a prepaus de las formas que pren l'informacion occitana uèi, del ròtle que tengan las jornalistas occitanas e


dels apòrts dels mèdias occitans dins lo mond de la premsa.

Aquel debat serà seguit a 20 oras d'un aperitiu musical als costats del grop catalan Ballaveu afin de celebrar los 5 ans de la gaseta occitana d'informacion : *lo Jornalet*.



Ferriol Macip

Lo jornalista, traductor e musician occitan Ferriol Macip serà present per nos parlar de son jornal, mediá numeric é collaboratiu occitan, que participa grandament a la promocion de la lenga.



Ballaveu

Aquel duò vocal format per Patri e Xavi explora la praticas de las cançons catalanas e occitanas per faire dançar.